



R55  
896
















**Warhastiger Bericht**  
**von Dreien Herrern vnser**  
**Herrn Ihesu Christi / vom Papst gemartert /**  
**im Wellischen Lande.**

Beschrieben durch Franciscum Schwartz.

**Daraus k̄stu Christlicher Leser**  
genugsam erkennen / was man von dem Con-  
cilio der R̄mischen Bischoffen gewertig sein-  
mus / weil desselben Deubt / der Babst / in der  
allgemeinen Christlichen Kirchē sach eis-  
nen solchen vorurteil / öffentlich fur  
der gantzen welt sprechen darff.

Apoc. xvij.



**Diese werden mit dem Lamb Gottes streitten /**  
**Aber das Lamb wird sie vberwinden.**

Anno. M. D. Lj.





## Abst Julius / iij.

schreiet fur aller welt aus  
vnd sagt jedermanniglich  
zu ein frei Christlich Con-  
cilium / Aber wie er das  
von hertzen thue / kanstu  
Christlicher leser daraus er-  
messen / das er die jenigen

welche irer Selen seligkeit dem einigen waren  
Gott durch Christum Jesum seinen Son zu  
schreiben / also gar feindlich vnd grausamlich  
durch die seinen verfolget / das er auch etzliche  
von seinē vorfarn Paulo iij. vnseliger gedecht-  
nus / vmb keiner andern den allein vmb dieser  
einigen vrsachen willen verdampte vnd ins ge-  
fengnus verschlossene fromme Christliche leut  
von stand an do er auff den Bepstlichē stul zu  
sitzen kōmen / jemmerlich hat ermorden lassen.  
Nū hat / dieser ( wie er von jederman gehalten  
sein wil ) guter Viret / dieser armen leut / nicht  
verschonet / welcher auch der reissendt Wolff  
zuuor verschonet hat.

Derhalben habe ich alhie seiner grausams-  
keit vnd Tyranny zwey Exempel beschreiben  
wōllen / Auff das / wenn du vor dem Concilij  
diesen vorurtheil / erkennest / den künfftigen  
vrtheil des Concilij daraus er gründen vnd er-  
messen / ja selbst greiffen vnd fūlen kōnnest.  
Aber dauon genug / hōre jetzt das geschicht.

Es ist ein frommer Bürger in der Prouins  
cien Flaminiē in der Stadt Fauentz gewesen /  
igenant



genant Fanin / Dieser hat Christum Ihesum  
für seinen einigen seligmacher erkant vñ öffent-  
lich bekandt / vmb dieser vñ sonst keiner andern  
missethat / ist er von des Antichrist dienern /  
welche sich inquisitores heretice prauitatis /  
Ketzermeister nennen / jetzt vor drey jaren zu  
Ferrarien ins gefengnus geworffen / daselbst  
gefenglich gehalten / vnnd nach ausgange  
des andern jars seines gefēgnis von inen / den  
Ketzermeistern / zum tod verurteilt worden.

Doch aber / weyl seine stunde noch nicht kom-  
men war / ist er biss auff diesen negst vergange-  
nen Monat / beim leben erhalten worden / da  
in aller erst dieser jetzt regierende Julius / des  
Namens / der Dritte / Römischer Bischoff /  
schrifftlich befohlen hat ab zuthun.

Des tages aber zuuor da dieser Fanin hat  
sterben müssen / hat in ein Bepstlicher Botte  
angeforochen / fast mit solchen Worten / Bepst-  
liche Heiligkeit hat mit sondern fleis deiner  
sachen Acta vnd handlung besehen vnd be-  
wogen / vnnd dieweil seine heiligkeit sehr viel  
Ketzerrey in denselben befunden / hat sie dir jtz  
durch mich anzeigen lassen / das du vmb der  
selben willen des tods sterben must. Darneben  
hat ime dieser Bote auch eine vermanunge ge-  
than / das er das jenige / was er wider die heil-  
lige Römische Kirche geredt hette / widerruf-  
fen solt / das er also seiner Sele vnd seines leibs  
leben erhielte. Darauff hat der gnte Fanin ge-  
antwort / das er nach seinem leibe nicht so gar  
vie / fragte / vnd were denselben für Christi Jee-



zu ehr zuuerlieren bereit / Auch seiner selen selig  
keit gantz gewis / vnd hat diesem Botten mit  
einem sunderlichen starckē Geist Gottes Wort  
zu predigen angefangen / das er schamrot vnd  
weinende von jm weg gegangen / vnd fur jder  
meiniglich fur gantze warheit gesagt / das Fan  
nin ein fromer heiliger Mensch sey.

Do dieser Bot aus dem gefengnus gegang  
gen ist / hat Fanin seine Knehe gebogē vnd got  
dem herren eine gantze stund mit andechtigem  
ernsten gebet angeruffen / vnd darnach / da er  
sein gebot vollendet / seinen mitgesellen in dem  
gefengnus zugesprochen / Diese aber / weil sie  
wol wustē was jme Kurtz zuuor angezigt war  
vñ dauon sehr seinethalben betrübt waren wor  
den / vermaneten vñ baten sie in jnniglichē mit  
weinēder stime das er vmb seines lieben weibs  
vñ seiner kinder willē sich aus dieser grossen fat  
vñ not errettet / vñ was er gesagt hette / wideruf  
set / den als den / kōndt er seines lebēs sicher sein  
vnd seinen hause wol fürstehen / Den würde er  
abgethan / so würde sein weib ein arme von jey  
derman verlassene wittwe / vnd seine kinder ar  
me betrübte weysen sein. Da dieser frome man  
diese wort gehört hat er eine gute weile stille ge  
schwigen vnd sich lange bedacht / denn solche  
wort gehen einem Erbarn man durchs hertz /  
so wirdt der Teuffel seiner pfeil auch nicht ge  
schonet / sondern getroffen auff in zugeschossē ha  
ben / als der auf alle gelegēheit fleissig gut acht  
hat / vnd zu rechter zeit seine werck thut. Da er  
sich nu wol besunnen / hat er inē diese antwort  
gegeben /



gegeben. Lieben Brüder jr solt daran keinen  
zweiffel habē / das gottes Barmhertzigkeit vñ  
güte viel grösser sei / denn ein mensch gedenckē  
kan / dieselbige wird den meinen beistehen wie  
wol ich bekennen mus / das mein alter Adam  
ritterlich wider mich geköpfft hat / da ich ewre  
wort betachtet / vñd were mir got der seine aus  
erwelten nicht verlest / nicht zu hülffe komē / het  
es leichtlich geschēhen können dz er seinen bes  
girden gefolget / vñ dz leben erwelet hette / Den  
dazumal gedacht ich balt / dz durch diese weise  
dz lebē des leibes / welcher doch balt der wūrm  
speise werden mus / die sele getödt hette. Aber  
Gott legt mir sein wort fur / vñd macht das ich  
diese warheit erkant / dz wer seinen Vatter oder  
seine mutter oder sein weib vñ Kinder oder sonst  
was der mensch haben kan / grösser achtet den  
jn / derselbe sein nicht werd sei / vñd nu er mich  
mit seiner hand in dieser anfechtung erhalten  
vñd auffgerichtet hat / bin ich bereit vñd willig  
aus diesem leibe erlöset vñd mit Christo Ihesu  
zu sein. Vñd bitte euch / meine lieben Brüder /  
jr wollet mir forthin nichts mehr danon sagen  
sondern viel mehr / so einigerley Christlicher lis  
be / vñd erkendtnis Christi Jesu in euch ist euch  
mit mir freuen / vñd gott bitten / das er mich als  
so bestettige vñd stercke mit seinem heiligē geist  
das ich ritte rich vñd frölich sterbe / vñd ein  
Werteser Christi werde. Do seine mitgesaneg  
ne diese wort gehort / habē sie das weinē nicht  
lassen / noch ime ein wort darauf antwortē kön  
nen / vñd sind also ermanet worden / dz sie mit



ime bis in den tod zugehen bereit / vnd willig  
gewesen sind. Denn der frome Fanin hat in  
dem Kercker nichts anders gethan denn das er  
von der gnad vnd wolthat Christi geprediget  
hat / allen den jenigen / die vmb jrei miss. that  
willē gefenglich ein gezogen vñ gehalten sind  
worden / Auff das sie recht vnterwisen / Chris-  
stū Jesum jren einigen seligmacher erkēnende  
vnd bekennend: seliglich stürben. Vud ist als  
hie der wunderlich weg gottes / den gehet vnd  
er eine ewige kirche durch vnforschliche mittel  
vnd werckzeug samlet / zuspüren / vñ seine ewi-  
ge weishait vnd vnausprechliche weisheit zu  
loben. Aber dauon sey gnug / folget weiter in  
der Passion Fanini.

Nach dem allen ist ein Mönch zum Fanin  
jns gefengnus komen / vnd in gefragt / ob er  
seiner missethat beicht oder bekentnus vnd wi-  
derruff thun / seine Ketzerey verschweren / vñnd  
sich wider zu Gott bekeren wolt. Disem hat er  
geantwort / das er seine sünde Gott gebeichtet  
hette / vnd das er kein Ketzler / sondern ein recht  
schaffner Christ sey / Aber nicht desto weniger  
wölle er / damit in niemand fur hoffertig hielt /  
sich gerne mit ime vnterreden / vnd sich fur einē  
sünder / wie er denn were / gerne erkennen / vnd  
haben von vielen stücken der Christlichen Ke-  
ligion zu disputiren vnd sich zu vntererden an-  
gefangen / Vnd Fanin hat dem Mönche von  
allen Artickeln des Christlichen glaubens ge-  
nugsame antwort vnd bericht gethan / das der  
mönch / do er weg gegangē / zu den im gefeng-  
nus gesprochen /



nus gesprochen/ Diesen Fanin halte ich für  
war für einen heiligen menschen/vñ wolt gott  
das solcher leut vil auferdē weren / so würde es  
vmb die Christliche Kirchen wol stehen. Nach  
vntergang der soñen hat sich Fanin wider zū  
gebet gekert vnd die gantze nacht gott angeruf  
fen vñ seinen gesellen c epredigt/ Die jenigē die  
dahin komen waren / in zu trösten / redeten ime  
kein wort ein / sondern horten mit grossen ernst  
das wort gottes aus seinem müde / vñ weineten  
allesambt bitterlich vnd bekümmerten sich dz er  
so jemerlich hingericht solt werden. Da es nun  
vmb die zeit war / in welcher Faninus für dz ge  
richt solt gefurt vñ abgethan werden / hat man  
ime do er aus dē kercker gegangen ist ein hültz  
ern Crucifix / wie die gewonheit ist fürgehaltē /  
vñ im zu küssen hingereicht Aber Fanin geant  
wort / er dürf des stück holtzes nurgent zu / wel  
ches der menschen hende also geformirt vñ ge  
bildet hetten / weil er in seinen hertzen trüge den  
rechten gecreutzigten / der für alle seine sunde ge  
nug gethan hat vñ in von der hellē pein durch  
sein bitter leidē erlöset hette / vñ dē jenigē der im  
dz hültzern Crucifix für gehalten / inniglichen  
gebetten / Er wölle ime den Götzen von seinen  
augen thun. Des morgens früe mit auffgang  
der soñen ist er auff den marckt gefurt worden /  
das er daselbst für aller welt augen als ein ver  
fluchter ketzer / hingericht würde / da haben in  
seine landts leute / welche ir den gefesse gen Fer  
rarien zu marckte gebracht hatten / beleitet / vnd  
ime jr gros mitleiden mit im angezeigt vnd sich  
verwüdert / Das er



Das er so gar ein steinhart verstockt hertz hette  
vnd weder sein Weib noch seine Kinder bes  
dechte/die er in grosser armut/ vñ aller Christē  
menschen hülffe vnwerd/hinder sich verlassen  
würde. Er hat inen aber zur antwort geben/dz  
sein weib vnd seine Kinder wol versehen vnd  
versorgt weren/ Den er het sie allesampt einem  
befohlen / der si nimmer mehr keine not noch  
mangel würde leiden lassen. Do diese gefragt  
wen sie denn befohlen weren/hat er geantwort/  
Gott/jrem lieben Vatter / vnd Christo Ihesu/  
jrem bruder / Das alles redet er kühnlich vnd  
hertzig /ohn alle anzeigung einicherley furcht  
vnd widerholet jmerdar dis sein gebetlein. vater  
ich bitte dich / du wollest nach deiner gütte/  
allen denen/ die meines tods vrsach sein / ver  
geben. Ich weis zwar wol dz etzliche meinen  
sie thun recht daran /wen sie die jenigen tödten  
die deinen namen bekennen / vnd das etzliche  
also gar grossen durst haben nach Christlich  
em blut das sie/ob sie schon wol wissen das ich  
vnrecht zum tod verurteilt bin / desto weniger  
nicht allein wol zu frieden sein mit meinem tod  
sondern haben auch ein Wolgefallen daran/  
dennoch bitte ich dich lieber vatter/vergibs inē  
allen miteinander. Diese vnd vil andere wort  
begeret er frei öffentlich zu reden/denn die fürer  
betten einen befelb / dz sie Faninum kein wort  
soltten reden lassen.

Do sie in nu an die stadt gebracht hatten/  
da man in richten solt/ wolt der Dencker weil  
er sahe/das Faninus vnrecht zum tod war ver  
urteilt



urteilt / davon lauffen / Aber Faninus ruffet in  
wider / vnd spricht vnerchrocken zu ime / Lieber  
thue du was dein ampt ist / Denn das wird dir  
nicht zur sünde gerechnet werden / vnd ich ver-  
gebe dir auch von hertzen. Erstlich haben sie  
in gehenckt / darnach verbrand / Erstlich ist  
der arme Fanin gehenckt / darnach verbrandt  
vnd von allen zu sehern bitterlich beweinet.

Also ist dieser Frome Faninus gestorben /  
Aber doch mit seinem tode viele zum erkentnis  
vnd bekentnis Christi gebracht / welche die  
Barmhertzigkeit Gottes wissen vnd ime ewig  
dancken / das er sie aus der finsternis zu seinen  
wunderbarlichen liecht beruffen hat.

Nicht lange darnach / nemlich in demsel-  
bigen Herbstmonde / da dis zu Ferrarien ge-  
schehen ist / hat man zu Placentz des gleichen  
spiel gespielet / das hat sich also zugetragen /  
Denn die Schlange mus des Weibes Son in  
die ferssen beissen / vnd seine Glieder creutzigen  
bis an den jüngsten tag.

Dominicus aus dem Hause Alba / ge-  
nant / ein Bassanischer Bürger / Bassan aber  
ist ein Venedische Stadt / mein Vatterlandt.  
Dieser da er Deutzsche Kriege de Reiser Carl.  
v. nach gezogen / vnd bey den Deutzschen die  
lehr des Euangelij erlernet / hat die weltlichen  
Wapen abgelegt vnd geistliche Wapen ange-  
zogen / vnd ist aus der Welt Krieger ein Krieger  
ger Ihesu



ger Ihesu Christ worden / vnd hat bald nach  
solchen leuten getrachtet / die in in derselben  
lehre weiter vnd gründlicher vnterrichteten /  
vnd hat in kurtzer zeit / die warhafftig lehr des  
heiligen Euangelij gründlich erkant / vnd in  
dem erkentnis Christi / sehr zu genomen / bis  
in dis gegenwertig jar / In welchen er gegen  
Neapolis gereiset ist / vnd hat von dannen zu  
predigen angefangen / vnd Christum in sehr  
vielen Wellischen Stedten ohne einicherley  
schrecken offentlich zu verkündigen / vnd des  
Antichrists list vñ betrug mit grosser frucht vñ  
freude zu offenbaren.

Da er gegen Placentz komen / hat er auff  
dem Marckt offentlich angefangen zu predi-  
gen / vnd frey für allē volck das ime sehr fleis-  
sig zu gehöret geredt von der ohr Beicht / vom  
Ablass vnd der gleichen stücken.

Des andern tages / ist er wider an den ort  
komen / vnd von der Rechtfertigung / Glauben  
vnd guten wercken / gehandelt / von welchen er  
in der dritten Predig weiter hat sagen wollen /  
Nach dem Antichrist gewis vnd warhafftige-  
lichen allen menschen zu zeigen. Aber das war  
dem Teuffel nicht zu leiden / darumb erweckt  
er daselbst etzliche seine werckzeuge / die solchs  
alles verhinderten / Den der Marckmeister hies  
den Fromen Dominicum von der Cantzel ge-  
hen / vnd ins gefengnis führen / Et aber ant-  
wort / er wolle alles thun / was er von im wolt  
haben / vnd wolt willig gehen / wo hin er ihn  
hiesse!



hiesse/vnd sprach /mich hats gros wunder ge-  
habt /das der Teuffel so lang hat harren kön-  
nen/vñ seine predig vnuerhindern lassen kön-  
nen/ vnd ist erstlich zu des obersten Bischoffs  
Stadthalter geführt vnnd von im gefragt wor-  
den /ob er ein Priester were /vnd von wē er ver-  
laubnus hette zu predigen Dem hat Dominicū  
wellisch geantwort /er könne nicht Lateinische  
sprache /vnd das er kein Papistischer Priester/  
sondern ein Priester Jesu Christi / von welche  
er auch / Als von dem höchsten Bischoff/ zum  
predig ampt geweiht were.

Vber das hat man in gefragt /ob er auch/  
alles was er wider die Heilige Römische Kir-  
che geprediget hett /widerruffen /oder fur recht  
erkennen vnd bekennen / wolt / vnd ime dane-  
ben angezeigt / das er des tods sterben müste/  
wo er nicht einen widerruff thun wolt.

Darauff hat er getrost gar vnerschrocken  
geantwort / das er fur gewis wisse / das alles  
was er öffentlich gepredigt /so gewis vnd war  
sey / das er die warheyt zu bestettigen /den tod  
darüber zu leyden beryt were /vnnd sich dauon  
nicht allein ab zu bitten sondern vil mehr Gott  
da für zu dancken / das er vmb seiner Ehren  
willen den tod zu leyden werd /bedacht were.

Nach dem ist er ins gefengnus geworffen  
worden /da haben sich die Mönchen zu samen  
gerottet / vnd an in gemacht /das sie in bereden

B ü köndten /



Könnten / das damit er seine predig an den selb  
 ben orten widerruffet. Darauff hat er geantz  
 wort / Er wölle das gantz vnd gar nicht thun /  
 vnd zehen mal lieber sterben / den von Christo  
 abfallen. Derhalben hat man in des andern  
 tags auff dem Marckt zu henccken gefürt / vnd  
 ime / nach der gewonheit / viel Bepfliche geuk  
 lerey vnd affenwerck surgetragen / Aber er hat  
 sich danon zu Gott gewand / vñ den von hertze  
 gebetten / das er seinen hencckern vnd mördern  
 vergeben wolt / was sie an ime theten / weil sie  
 aus vnwissenheit sich an ime versandigten.  
 Vnd ist also in wunderbarlicher grosser freude  
 aus diesem armen madensack zu Christo zu ko  
 men inniglich begerende / gestorbe seines alters  
 nahe zu 30. jaren



S ist auch ein sehr fromer  
 vnd geleter Man Julianus  
 genant / des Ordens  
 S. Augustini / zu Rom ge  
 wesen / der lang sehr viel  
 ansechtung vñ verfolgung  
 umb der warheit willē ge  
 litten hat / doch allezeit da  
 von komet / Des Paulus  
 iij. hat seiner verschonet umb seiner grossen ges  
 chicklichkeit vñ frömigkeit / als der geleerten leu  
 ten was geneigter gewesen dis arme vnschuldige  
 Scheslein hat dieser wolff auch auff gefres  
 sen / vnd vns so vieler schoner gaben gottes / die  
 in diesen heiligen Bruder Juliano gewesen /  
 vnd so



vnd so manichfaltiger geschicklichkeit vnd erfarenheit / welche dieser frome mit grosser mühe erworben / geraubet / vnd dem menschlichen geschlecht nicht einen geringen schaden gethan hat / Denn ein geleter fromer mensch ist einer gemein gut / vnser gantzen geschlecht vnd ein Kleinot der welt / das Gott von jederman erkant vnd geehrt / vnd jme für solche gabe gedanckt / wil haben / Derhalben sind das auch die grössten feind des menschlichen geschlechts die solche leut vmbbringen / oder nicht verhüten das solches geschehe / denn sie sind seltsam / denn wiewol man geleerte leut findet / so ist doch von vielen das gemein sprichwort ware / Belart / verkart.

Diese Exempel sind vielen Menschen in grosser lust gewesen / Aber (wunder ist) die Mönche welche jtzund Christum verfolgen vñ Creutzigen / sind so thorecht vnd verstockt / das sie solche wercke Gottes gar nicht bewegen / wer vmb der lehre willen solchen schmechlichen tod leydet / der bekennet für jederman / das sie recht vnd warhafftig sey / Gott gebe in sein genade / das sie die warheit des Euangelij / erkennen vnd mit fleis bekennen / wollen sie aber blind vnd verstockt bleiben / so stürtze sie Gott / vnd beschirme seine arme Kirche / wieder des Teuffels wüten vnd toben.

Es mus doch die Schrift erfüllet werden Johannis am sechzehenden, Sie sindt die  
B ij welt /



welt / darumb thun sie ires vatters werck / liegē  
vnd morden die ware kirche / vnd meinen / wie  
Christus daselbst sagt / das sie Gott daran ein  
rechten dienst thun / vnd ime den Himel damit  
ab dienen / Warlich hette Christus diese seine  
vns für seinem ende nicht gethan / Es würde  
mannich from Dertze irre werden / vber dem  
wunderbarlichen wesen / wie es jtz zu gehet /  
Aber es gehet recht zu / Sie liegen vnd morden  
getrost / vnd wir predigen die warheit Gottes /  
vnd werden darüber getrost gemordet / wolher  
es mus nicht schaden / Es gereicht ims doch  
alles zum besten / wer hie mit Christo leidet vnd  
stirbet / der wird dort auch mit ime lebendig  
herlich vnd selig gemacht werden / vnnd wer  
hie mit dem Teuffel die Christen plagt vnd tö-  
det / der wird dort auch mit dem Teuffel geplagt  
vnd getödtet werden ewiglich / Wie Christus  
spricht Matthei am xxv. Ich bin hungerig ge-  
wesen / Ir habt mich nicht gespeysset / Ich bin  
gefangen gelegen / Ihr habt meiner nicht ge-  
pflegt etc. Gehet hin ir verfluchten in das ewig  
gehellische feuer / das euch vnd allen Teuffeln  
von anbegin bereitet ist.

**D** wehe des vrbhells / von dem kein geist  
noch mensch appellieren wird können / sollen  
die lester so greulich gestrafft werden / vovwolt  
die theter bleiben / Der Barmhertziige Gott / vn-  
vater vnfers Herrn Ihesu Christi / der für alle  
menschen gestorben ist / i Timoth. i. Erbarm  
sich vber alle menschen / vnnd erlöse sie aus des  
finstneris



finsternis / darin sie sitzen / vnd bringe sie an dz  
ewige liecht / zu seiner selbst eigener ehre vnd  
ihrer ewigen seligkeit / Amen.

Gegeben zu Clauen den 30 tag  
Octobris.

20





Handwritten text, likely bleed-through from the reverse side of the page. The text is mirrored and difficult to decipher but appears to contain several lines of script.

Gegeben zu Einnen den 30 tag  
D. 1568.





